

HLAHISA MAIKUTLO

MEMO YA HO TSHWAELA

BILI YA NAKWANA YA METSANA YA PALAMENTE YA 2026

Komiti ya Nakwana ya ho Hlahloba le ho Fetola Molao wa Boto ya Tsamaiso ya Metsana ya Palamente (Molao wa 96 wa 1998) e mema bankakarolo ba nang le thahasello le batho ho fana ka maikutlo a ngotsweng mabapi le moralo wa Bili ya Metsana ya Palamente wa 2026.

Maikemisetso a Bili

Bili e batla ho hlakola Molao wa Boto ya Tsamaiso ya Metsana ya Palamente, wa 1998; ho ananela le ho laola boteng ba metsana ya palamente, le kabo ya matlo metsaneng ya palamente; ho kgetha Palamente e le mohlokomedi le mosebedisi wa metsana ya palamente; ho theha le ho laola Boto ya Tsamaiso ya Metsana ya Palamente; ho fana ka tsamaiso ya Boto le karolo ya yona ya ho tshehetsa Palamente e le mohlokomedi le mosebedisi wa metsana ya palamente; ho lokisetsa ho thehwa ha Komiti ya Badudi motsaneng ka mong wa Palamente le ho lokisetsa seabo le mesebetsi ya yona; ho lokisetsa seabo sa Tshebeletso ya Sepolesa sa Afrika Borwa metsaneng ya Palamente; ho fetola Molao wa Tsamaiso ya Thepa e sa Tsamayeng ya Mmuso wa 2007; le ho fana ka dintlha tse amanang le tsona.

Dipotso, hammoho le ditlhahiso tse ngotsweng, di ka romellwa ho Komiti ya Nakwana ya ho Hlahloba le ho Fetola Molao wa Boto ya Tsamaiso ya Metsana ya Palamente, tlhokomedisong ya Ngk Anneke Clark, ka imeili aclark@parliament.gov.za. Tlatseletsong ho ditlhaloso tse ngotsweng, ka kopo bontsha thahasello ya hao ya ho etsa tlhahiso ya molomo ho Komiti ya Nakwana.

Letsatsi la ho qetela la ditlhahiso tse ngotsweng ke Labohlano, la 14 Phato 2026.

Dikhopi tsa Bili di ka koptjwa ka mohala ho tswa ho Ngk Clark ho sele: 081 360 1431 kapa tsa fumaneha ka mokgwa wa elektroniki ka websaete ya palamente (www.parliament.gov.za).

E hlahisitswe ke Mohl CM Masina, MP

Modulasetulo: Komiti ya Nakwana ya ho Hlahloba le ho Fetola Molao wa Boto ya Tsamaiso ya Metsana ya Palamente